

老子(道德經)

道經

一章

道可道，非常[恆]道；名可名，非常[恆]名。無，名天地之始；有，名萬物之母。故常[恆]無欲，以觀其妙[眇]；常[恆]有欲，以觀其徼(jiao4)。此兩者，同出而異名，同謂之玄(xuan2)，玄(xuan2)之又玄(xuan2)，眾妙[眇]之門。

二章

天下皆知美之為美，斯惡(e4)已；皆知善之為善，斯不善已。故有無相生，難易相成，長短相形[較]，高下相盈[傾]，音聲相和，前後相隨[，恆也]。是以聖人處無為之事，行不言之教。萬物作焉而不辭[萬物作而弗始]，生而不有，為而不恃(shi4)，功成而弗(fu2)[不]居。夫唯弗(fu2)[不]居，是以不去。

三章

不尚(shang4)賢(xian2)，使民不爭；不貴難得之貨，使民不為盜；不見(現)可欲，使民心不亂。是以聖人之治：虛其心，實其腹，弱其志，強其骨。常[恆]使民無知(智)無欲，使夫智者不敢為也。為無為，則無不治。

四章

道沖[虛]，而用之或不盈。淵(yuan1)兮(xi1)，似萬物之宗。挫其銳，解其紛，和其光，同其塵。湛(zhan4)兮(xi1)似或存。吾不知誰之子？象帝之先。

五章

天地不仁，以萬物為芻(chu2)狗；聖人不仁，以百姓為芻(chu2)狗。天地之間，其猶橐(tuo2)籥(yue4)乎。虛而不屈，動而愈出。多言[聞]數窮，不如守中。

六章

谷神不死，是謂玄(xuan2)牝。玄(xuan2)牝(pin4)之門，是謂天地根。綿綿[緜緜]若存，用之不勤。

七章

天長地久。天地所以能長且久者，以其不自生，故能長生。是以聖人後其身而身先，外其身而身存(cun2)。非以其無私邪(耶)？故能成其私。

八章

上善若水。水善利萬物而不爭，處[居]眾人之所惡，故幾於道。居善地，心善淵(yuan1)，與善仁，言善信，政善治，事善能，動善時。夫唯不爭，故無尤。

九章

持而盈之，不如其已。揣(TW chuai3 / PRC zhui1)而銳之，不可長保。金玉滿堂，莫之能守。富貴而驕，自遺其咎(jiu4)。功遂(sui4)身退，天之道。

十章

載營魄(bo4)抱一，能無離乎？專[搏 tuan2]氣致柔，能如嬰兒乎？滌(di2)除玄(xuan2)覽[鑿]，能無疵乎？愛民治國，能無知(智)[為]乎？天門開闔(he2)，能為雌(TW ci1 / PRC2)乎？明白四達，能無知(智)[為]乎？生之、畜(xv4)之，生而不有，為而不恃(shi4)，長而不宰(zai3)，是謂玄(xuan2)德。

十一章

三十輻(fu2)，共一轂(gu3)，當其無，有車之用。埴(shan1)埴以為器，當其無，有器之用。鑿(TW zuo4 / PRC zao2)戶牖(you3)以為室，當其無，有室之用。故有之以為利，無之以為用。

十二章

五色令人目盲(mang2)；五音令人耳聾；五味令人口爽(shuang3)；馳騁(cheng3)畋(tian2)獵，令人心發狂；難得之貨，令人行妨。是以聖人為腹(fu4)不為目。故去彼取此。

十三章

寵辱(TW ru4 / PRC3)若驚(警)，貴大患若身。何謂寵辱(TW ru4 / PRC3)若驚？寵為下。得之若驚，失之若驚，是謂寵辱(TW ru4 / PRC3)若驚。何謂貴大患若身？吾所以有大患者，為吾有身。及吾無身，吾有何患！故貴以身為天下，若可寄天下；愛以身為天下，若可託天下。

十四章

視之不見，名曰夷[微]；聽之不聞，名曰希；搏(tuan2)之不得，名曰微(TW wei2 / PRC1) [夷]。此三者不可致詰(jie2)，故混而為一。其上不皦，其下不昧。繩繩[尋尋]兮(xi1)不可名，復(fu4)歸於無物。是謂無狀之狀，無物之象，是謂惚(hu1)恍(huang3)。迎之不見其首，隨之不見其後。執古之道，以御今之有。能知古始，是謂道紀(ji4)。

十五章

古之善為士[道]者，微(TW wei2 / PRC1)妙[眇]玄(xuan2)通[達]，深不可識。夫唯不可識，故強為之容：豫(yv4)兮(xi1)若冬涉川，猶兮(xi1)若畏四鄰，儼(yan3)兮(xi1)其若客，渙兮(xi1)若冰之將釋(shi4)，敦兮(xi1)其若樸(TW pu2 / PRC3)，曠兮(xi1)其若谷，混兮(xi1)其若濁(zhuo2)。孰能濁(zhuo2)以靜之徐(xv2)清。孰能安以久動之徐(xv2)生。保此道者，不欲盈。夫唯不盈，故能弊而新成。

十六章

致虛極，守靜篤(du3)。萬物並作，吾以觀復(fu4)。夫物芸芸(yun2)，各復(fu4)歸其根。歸根曰靜，靜曰復(fu4)命，復(fu4)命曰常，知常曰明。不知常，妄(wang4)作凶(xiong1)。知常容，容乃公，公乃全(quan2)，全乃天，天乃道，道乃久，沒(mo4)身不殆(dai4 怠)。

十七章

太上，不[下]知有之；其次，親而譽之；其次，畏之；其次，侮之。信不足焉，有不信焉。悠(you1)兮(xi1)其貴言。功成事遂(sui4)，百姓皆謂我自然。

十八章

大道廢，有仁義；智慧出，有大偽(wei4)；六親不和，有孝慈；國家昏亂，有忠臣。

十九章

絕聖[智]棄智[辯]，民利百倍；絕仁棄義，民復(fu4)孝慈；絕巧棄利，盜賊(zei2)無有。此三者以為文，不足。故令有所屬：見(現)素抱樸(TW pu2 / PRC3)，少私寡欲。絕學無憂。

二十章

唯之與阿，相去幾何？善[美]之與惡，相去若何？人之所畏，不可不畏。荒兮(xi1)，其未央哉！眾人熙熙，如享太牢，如春登臺。我獨泊(bo2)兮(xi1)，其未(wei4)兆，如嬰兒之未孩；儻(lei2)兮(xi1)，若無所歸。眾人皆有餘，而我獨若遺。我愚人之心也哉！沌(dun4)沌兮(xi1)！俗(su2)人昭昭(zhao1)，我獨昏昏。俗(su2)人察察，我獨悶悶(men1)。澹(dan4)[淡]兮(xi1)其若海，颺(liao2)兮(xi1)若無止。眾人皆有以，而我獨頑(wan2)且鄙(bi3)。我獨異於人，而貴食母。

二十一章

孔德之容，唯道是從。道之為物，惟恍(huang3)惟惚(hu1)。惚(hu1)兮(xi1)恍(huang3)兮(xi1)，其中有象；恍(huang3)兮(xi1)惚(hu1)兮(xi1)，其中有物。窈(yao3)兮(xi1)冥(ming2)兮(xi1)，其中有精；冥兮(xi1)窈兮(xi1)，其中有信。自今及古，其名不去，以閱眾甫(fu3)。吾何以知眾甫(fu3)之狀哉？以此。

二十二章

曲則全，枉(wang3)則直，窪(wa1)則盈，敝(bi4)則新，少則得，多則惑(huo4)。是以聖人抱[執]一為天下式。不自見(現)，故明；不自是，故彰；不自伐(TW fa1 / PRC2)，故有功；不自矜(jin1)，故能長。夫唯不爭，故天下莫能與之爭。古之所謂曲則全者，豈虛言哉！誠全而歸之。

二十三章

希言自然。故飄風不終朝(zhao1)，驟(zou4)雨不終日。孰為此者？天地。天地尚不能久，而況於人乎？故從事於道者，同於道；德者，同於德；失者，同於失。同於德者，德亦樂得之[道亦德之]；同於失者，失亦樂得之[道亦失之]。信不足焉，有不信焉。

二十四章

企(TW qi4 / PRC3)者不立，跨者不行，自見者不明，自是者不彰，自伐(TW fa1 / PRC2)者無功，自矜(jin1)者不長。其在道也，曰餘食贅(zhui4)行。物或惡之，故有道者不處。

二十五章

有物混成，先天地生。寂(ji2)兮(xi1)寥(liao2)兮(xi1)，獨立而不改，周行而不殆(dai4 怠)，可以為天地[下]母。吾不知其名，字之曰道，強為(謂)之名曰大。大曰逝，逝曰遠，遠曰反。故道大，天大，地大，人亦大。域(yv4)中有四大，而王[人]居其一焉。人法地，地法天，天法道，道法自然。

二十六章

重為輕根，靜為躁(zao4)(zao4)君。是以君子終日行不離輜(zi1)重。雖有榮觀，燕(宴)處超然。奈何萬乘(sheng4)之主，而以身輕天下？輕則失根，躁(zao4)則失君。

二十七章

善行無輒(che4)迹(ji1)，善言無瑕謫(zhe2)；善數不用籌策；善閉無關楗(jian4)而不可開，善結無繩(sheng2)約而不可解。是以聖人常善救人，故無棄人；常善救物，故無棄物，是謂襲(xi2)明。故善人者，不善人之師；不善人者，善人之資(zi1)。不貴其師，不愛其資，雖智大迷，是謂要妙[眇]。

二十八章

知其雄，守其雌(TW ci1 / PRC2)，為天下谿(xi1 溪)。為天下谿(xi1 溪)，常[恆]德不離，復(fu4)歸於嬰兒。知其白，守其黑，為天下式(shi4)。為天下式，常[恆]德不忒(te4)，復(fu4)歸於無極。知其榮，守其辱(TW ru4 / PRC3)，為天下谷，常[恆]德乃足，復(fu4)歸於樸(TW pu2 / PRC3)。樸(TW pu2 / PRC3)散(san3)則為器，聖人用之，則為官長，故大制不割。

二十九章

將欲取天下而為之，吾見其不得已。天下神器，不可為也，不可執也。為者敗之，執者失之。[是以聖人無為，故無敗；無執，故無失。]故[夫]物或行或隨；或歔(xv1 嘘)或吹；或強或羸(lei2)；或挫[培/載]或隳(hui1)[墮]。是以聖人去甚，去奢(she1)，去泰。

三十章

以道佐人主者，不以兵強天下。其事好還。師之所處，荊(jing1)棘(ji2)生焉。大軍之後，必有凶年。善有果而已，不以取強。果而勿矜(jin1)，果而勿伐(TW fa1 / PRC2)，果而勿驕。果而不得已，果而勿強。物壯則老，是謂不道，不道早已。

三十一章

夫兵者，不祥之器，物或惡之，故有道者不處。君子居則貴左，用兵則貴右。兵者不祥之器，非君子之器，不得已而用之，恬(tian2)淡(dan4)為上。勝而不美，而美之者，是樂(yao4)殺人。夫樂(yao4)殺人者，則不可得志於天下矣。吉事尚左，凶事尚右。偏將軍居左，上將軍居右。言以喪禮處之。殺人之眾，以哀悲泣[悲哀泣]之，戰勝以喪禮處之。

三十二章

道常[恆]無名樸(TW pu2 / PRC3)。雖小，天下莫能臣(chen2)。侯王若能守之，萬物將自賓(bin1)。天地相合，以降甘露，民莫之令而自均(jun1)。始制有名，名亦既有，夫亦將知止，知止可以不殆(dai4 怠)。譬(pi4)道之在天下，猶川(chuan1)谷之於江海。

三十三章

知人者智，自知者明。勝人者有力，自勝者強。知足者富。強行者有志。不失其所者久。死而不亡者壽。

三十四章

大道汜兮(xi1)，其可左右。萬物恃(shi4)之以生而不辭(ci2)，功成不名有[而不有]。衣養萬物而不為主，常無欲，可名於小；萬物歸焉而不為主，可名為大。以其終不自為大，故能成其大。

三十五章

執大象，天下往。往而不害，安平泰。樂(yue4)與餌(er3)，過客止。道之出口，淡乎其無味，視之不足見，聽之不足聞，用之不足既。

三十六章

將欲歛(TW xi4 / PRC1 翕)之，必固張之；將欲弱(ruo4)之，必固強之；將欲廢之，必固舉之；將欲取之，必固與之。是謂微(TW wei2 / PRC1)明。柔弱勝剛強。魚不可脫於淵(yuan1)，國之利器不可以示人。

三十七章

道常無為而無不為。侯王若能守之，萬物將自化。化而欲作，吾將鎮之以無名之樸(TW pu2 / PRC3)。無名之樸(TW pu2 / PRC3)，夫亦將不欲。不欲以靜，天下將自定[正]。

德經

三十八章

上德不德，是以有德；下德不失德，是以無德。上德無為而無以為；下德無為而有以為。上仁為之而無以為；上義為之而有以為。上禮為之而莫之應，則攘(TW rang2 / PRC3)臂而扔(reng1)之。故失道而後德，失德而後仁，失仁而後義，失義而後禮。夫禮者，忠信之薄(bo2)，而亂之首。前識者，道之華，而愚之始。是以大丈夫處其厚，不居其薄(bo2)；處其實，不居其華。故去彼取此。

三十九章

昔之得一者，天得一以清，地得一以寧，神得一以靈，谷得一以盈，萬物得一以生，侯王得一以為天下貞(zhen1)[正]。其致之也，[謂]天無以清，將恐裂；地無以寧，將恐廢[發]；神無以靈，將恐歇(xie1)；谷無以盈，將恐竭(jie2)；萬物無以生，將恐滅；侯王無以正，將恐蹶(jue2)。故貴以賤為本，高以下為基。是以侯王自稱孤、寡、不穀。此非以賤為本邪(耶)？非乎？故致[數]譽[與/輿]無譽[與/輿]。是故不欲瑤瑤如玉，珞珞如石。

四十章

反者道之動，弱者道之用。天下萬物生於有，有生於無。

四十一章

上士聞道，勤而行之；中士聞道，若存若亡(wang2)；下士聞道，大笑之。不笑不足以為道。故建言有之：明道若昧(me1)；進道若退；夷道若類(lei4)；上德若谷；大白若辱(TW ru4 / PRC 3)；廣德若不足；建德若偷；質(TW zhi2 / PRC4)真若渝；大方無隅(yv2)；大器晚成；大音希聲；大象無形；道隱無名。夫唯道，善貸(dai4)且成。

四十二章

道生一，一生二，二生三，三生萬物。萬物負陰而抱陽，沖氣以為和。人之所惡，唯孤、寡、不穀，而王公以為稱。故物或損(sun3)之而益，或益之而損(sun3)。人之所教，我亦教之。強梁者不得其死，吾將以為教父。

四十三章

天下之至柔，馳(chi2)騁(cheng3)天下之至堅。無有人無間，吾是以知無為之有益。不言之教，無為之益，天下希及之。

四十四章

名與身孰親？身與貨孰多？得與亡孰病？[是故]甚愛必大費；多藏必厚亡(wang2)。故知足不辱(TW ru4 / PRC 3)，知止不殆(dai4 怠)，可以長久。

四十五章

大成若缺，其用不弊。大盈若沖，其用不窮。大直若屈，大巧若拙(zhuo2)，大辯若訥。躁(zao4)勝寒，靜勝熱。清靜為天下正。

四十六章

天下有道，卻走馬以糞。天下無道，戎(rong2)馬生於郊。[罪莫大於可欲；]禍莫大於不知足；咎(jiu4)莫大於欲得。故知足之足，常[恆]足矣。

四十七章

不出戶，知天下；不窺(gui1 闕)牖(you3)，見天道。其出彌(mi2)遠，其知彌(mi2)少。是以聖人不行而知，不見而明，不為而成。

四十八章

為學日益，為道日損(sun3)。損(sun3)之又損(sun3)，以至於無為。無為而無不為。[聖人之]取天下常[恆]以無事，及其有事，不足以取天下。

四十九章

聖人常[恆]無心，以百姓心為心。善者，吾善之；不善者，吾亦善之；德善。信者，吾信之；不信者，吾亦信之；德信。聖人在天下，歛(TW xi4 / PRC1 翕)歛焉，為天下渾(hun2)其心，百姓皆注其耳目，聖人皆孩之。

五十章

出生入死。生之徒，十有三；死之徒，十有三；人之生，動之於死地，亦十有三。夫何故？以其生生之厚。蓋聞善攝(she4)生者，陸[路]行不遇兕虎，入軍不被(pi1 披)甲兵；兕(si4)無所投其角，虎(hu3)無所用其爪，兵無所容其刃(ren4)。夫何故？以其無死地。

五十一章

道生之，德畜(xv4)之，物形之，勢成之。是以萬物莫不尊道而貴德。道之尊，德之貴，夫莫之命而常[恆]自然。故道生之，德畜(xv4)之；長之育之；成之熟之[亨之毒之]；養之覆之。生而不有，為而不恃(shi4)，長而不宰。是謂玄(xuan2)德。

五十二章

天下有始，以為天下母。既得其母，以知其子；既知其子，復(fu4)守其母，沒(mo4)身不殆(dai4 怠)。塞其兌，閉其門，終身不勤。開其兌，濟其事，終身不救。見小曰明，守柔曰強。用其光，復(fu4)歸其明，無遺(yi2)身殃；是謂習[襲]常。

五十三章

使我介然有知，行於大道，唯施是畏。大道甚夷，而人[民]好(hao4)徑。朝(chao2)甚除，田甚蕪(wu2)，倉(cang1)甚虛；服文(wen2)綵，帶利劍，厭飲食，財貨有餘；是謂盜夸[誇]。非道也哉！

五十四章

善建者不拔，善抱者不脫，子孫以祭(ji4)祀(si4)不輟(chuo4)。修之於身，其德乃真；修之於家，其德乃餘；修之於鄉，其德乃長；修之於邦，其德乃豐；修之於天下，其德乃普。故以身觀身，以家觀家，以鄉觀鄉，以邦觀邦，以天下觀天下。吾何以知天下然哉？以此。

五十五章

含德之厚，比於赤(chi4)子。蜂蠆(chai4)虺(hui3)蛇不螫(zhe1)，猛獸不據，攫(jue2)鳥不搏(bo2)[攫鳥猛獸不搏]。骨弱筋(jin1)柔而握固。未知牝(pin4)牡(mu3)之合而媵(zui1)[全]作，精之至也。終日號而不嗶(sha4)，和之至也。知知曰常，知常曰明。益生曰祥(xiang2)。心使氣曰強。物壯則老，謂之不道，不道早已。

五十六章

知(智)者不言，言者不知(智)。塞其兌(dui4)，閉其門；挫其銳，解其紛[分]，和其光，同其塵，是謂玄(xuan2)同。故不可得而親，不可得而疏(shu1)；不可得而利，不可得而害；不可得而貴，不可得而賤。故為天下貴。

五十七章

以正治國，以奇用兵，以無事取天下。吾何以知其然哉？以此：天下多忌諱(hui4)，而民彌(mi2)貧；人多利器，國家滋昏(hun1)；人多伎巧，奇物滋起；法令滋彰(zhang1)，盜賊(zei2)多有。故聖人云：「我無為，而民自化；我好靜，而民自正；我無事，而民自富；我無欲，而民自樸(TW pu2 / PRC3)。」

五十八章

其政悶悶，其民淳淳(chun2)；其政察察(cha2)，其民缺缺。禍兮(xi1)，福之所倚；福兮(xi1)，禍之所伏(fu2)。孰知其極？其無正。正復(fu4)為奇，善復(fu4)為妖(yao1)。人之迷，其日固久。是以聖人方而不割，廉而不劌(gui4)，直而不肆(si4)，光而不耀(yao4)。

五十九章

治人事天，莫若嗇(se4)。夫唯嗇(se4)，是謂早服；早服謂之重積(ji1)德；重積德則無不克，無不克則莫知其極；莫知其極，可以有國；有國之母，可以長久；是謂深根固柢，長生久視之道。

六十章

治大國，若烹(peng1)小鮮。以道蒞(li4)天下，其鬼不神；非其鬼不神，其神不傷人；非其神不傷人，聖人亦不傷人。夫兩不相傷，故德交歸焉。

六十一章

大國[邦]者下流，天下之牝(pin4)，天下之交也。牝(pin4)常[恆]以靜勝牡(mu3)，以靜為下。故大國[邦]以下小國[邦]，則取小國[邦]；小國[邦]以下大國[邦]，則取大國[邦]。故或下以取，或下而取。大國[邦]不過欲兼畜(xv4)人，小國[邦]不過欲入事人。夫兩者各得其所欲，大者宜為下。

六十二章

道者萬物之奧。善人之寶，不善人之所保。美言可以市，尊行可以加人。人之不善，何棄之有？故立天子，置三公，雖有拱璧以先駟(si4)馬，不如坐進此道。古之所以貴此道者何？不曰：求以得，有罪以免邪(耶)？故為天下貴。

六十三章

為無為，事無事，味無味。大小多少，報怨以德。圖難於其易，為大於其細；天下難事，必作於易；天下大事，必作於細(xi4)。是以聖人終不為大，故能成其大。夫輕諾(nuo4)必寡信，多易必多難。是以聖人猶難之，故終無難矣。

六十四章

其安易持，其未兆(zhao4)易謀。其脆易泮(pan4)，其微(TW wei2 / PRC1)易散。為之於未有，治之於未亂。合抱(bao4)之木，生於毫末(mo4)；九層之臺，起於累(lei3)土；千里之行，始於足下。為者敗之，執者失之。是以聖人無為故無敗；無執故無失。民之從事，常[恆]於幾成而敗之。慎終如始，則無敗事。是以聖人欲不欲，不貴難得之貨；學不學，復(fu4)眾人之所過，以輔(fu3)萬物之自然而不敢為。

六十五章

古之善為道者，非以明民，將以愚之。民之難治，以其智多。故以智治國，國之賊(zui2)；不以智治國，國之福。知此兩者亦稽(ji1)式(shi4)。常[恆]知稽(ji1)式，是謂玄(xuan2)德。玄(xuan2)德深矣，遠矣，與物反矣，然後乃至大順。

六十六章

江海之所以能為百谷王者，以其善下之，故能為百谷王。是以聖人欲上民，必以言下之；欲先民，必以身後之。是以聖人處[居]上而民不[弗]重，處[居]前而民不[弗]害。是以天下樂推而不[弗]厭。以其不爭，故天下莫能與之爭。

六十七章

天下皆謂我：道大，似(si4)不肖(xiao4)。夫唯大，故似(si4)不肖(xiao4)。若肖(xiao4)，久矣其細也夫！我有三寶，持而保之。一曰慈，二曰儉(jian3)，三曰不敢為天下先。慈故能勇；儉(jian3)故能廣；不敢為天下先，故能成器長。今舍慈且勇；舍儉(jian3)且廣；舍後且先；死矣！夫慈，以戰則勝，以守則固。天將救之，以慈衛之。

六十八章

善為士者，不武(wu3)；善戰者，不怒；善勝敵者，不與；善用人者，為之下。是謂不爭之德，是

謂用人，是謂配天，古之極。

六十九章

用兵有言：「吾不敢為主，而為客；不敢進寸(cun4)，而退尺。」是謂行無行；攘(TW rang2 / PRC3)無臂，扔無敵；執無兵。禍莫大於輕敵，輕敵幾喪吾寶。故抗兵相若，哀者勝矣。

七十章

吾言甚易知，甚易行。天下莫能知，莫能行。言有宗，事有君。夫唯無知，是以不我知。知我者希，則我者貴。是以聖人被(pi1 披)褐(he2)懷玉。

七十一章

知不知，尚矣；不知知，病也。夫唯病病，是以不病。聖人不病，以其病病，是以不病。

七十二章

民不畏威，則大威至。無狎(xia2)其所居，無厭(壓)其所生。夫唯不厭(壓)，是以不厭。是以聖人自知不自見(現)；自愛不自貴。故去彼取此。

七十三章

勇於敢則殺，勇於不敢則活。此兩者，或利或害。天之所惡(wu4)，孰知其故？天之道，不爭而善勝，不言而善應，不召而自來，緝(chan3)然而善謀。天網(wang3)恢恢(hui1)，疏(shu1)而不失。

七十四章

民不畏死，奈何以死懼(jv4)之？若使民常[恆]畏死，而為奇者，吾得執而殺之，孰敢？常[恆]有司殺者殺。夫代司殺者殺，是謂代大匠(jiang4)斲(zhuo2)。夫代大匠(jiang4)斲(zhuo2)者，希有不傷其手矣。

七十五章

民之飢(饑)，以其上食(shi2)稅(shui2)之多，是以飢(饑)。民之難治，以其上之有為，是以難治。民之輕死，以其上求生之厚，是以輕死。夫唯無以生為者，是賢(xian2)於貴生。

七十六章

人生之也柔弱，其死也堅強。草木之生也柔脆，其死也枯(ku1)槁(gao3)。故堅強者死之徒，柔弱者生之徒。是以兵強則滅[不勝]，木強則折[兵]。強大處下，柔弱處上。

七十七章

天之道，其猶張弓與？高者抑之，下者舉之；有餘者損(sun3)之，不足者補之。天之道，損(sun3)有餘而補不足。人之道，則不然，損(sun3)不足以奉(feng4)有餘。孰能有餘以奉天下，唯有道者。是以聖人為而不恃(shi4)，功成而不處，其不欲見賢(xian2)。

七十八章

天下莫柔弱於水，而攻堅強者莫之能勝，以其無以易之。弱之勝強，柔之勝剛，天下莫不知，莫能

行。是以聖人云：「受國之垢，是謂社稷(ji4)主；受國不祥(xiang2)，是謂天下王。」正言若反。

七十九章

和大怨，必有餘怨；報怨以德，安可以為善？是以聖人執左契(qi4)，而不責於人。有德司契(qi4)，無德司徹(che4)。天道無親，常[恆]與善人。

八十章

小國寡民。使有什(shi2)伯(bo2)之器而不用；使民重死而不遠徙(xi3)。雖有舟輿(yv2)，無所乘之；雖有甲兵，無所陳之。使民復(fu4)結繩(sheng2)而用之。甘其食，美其服，安其居，樂其俗(su2)。鄰國相望，雞犬之聲相聞，民至老死，不相往來。

八十一章

信言不美，美言不信。善者不辯，辯者不善。知(智)者不博(bo2)，博(bo2)者不知(智)。聖人不積(ji1)，既以為人，己愈有；既以與人，己愈多。天之道，利而不害；聖人之道，為而不爭。